

Raja Perlis lawat Perpustakaan UniMAP

KANGAR 23 Julai - Raja Perlis, Tuanku Syed Sirajuddin Putra Jamalullail berkenan berangkat meninjau perkembangan Perpustakaan Tuanku Syed Faizuddin Putra Jamalullail di kampus induk Universiti Malaysia Perlis (UniMAP) Pauh Putra dekat sini, kelmarin.

Keberangkatan tiba baginda yang diiringi oleh Raja Muda Perlis, Tuanku Syed Faizuddin Putra Jamalullail selaku Canselor UniMAP, disambut oleh Naib Canselor UniMAP, Prof. Datuk Dr. Kamarudin Hussin dan pegawai kanan UniMAP.

Dalam lawatan itu, baginda mendengar taklimat mengenai perkembangan dan kejayaan terkini UniMAP da-

ripada Kamarudin disusuli taklimat oleh Pemangku Ketua Pustakawan UniMAP, Mazmin Mat Akhir mengenai perpustakaan berkonsepkan 'hybrid' tersebut.

Baginda kemudian melancarkan Koleksi Seminar Institusi Raja (SIRaj) yang dianjurkan oleh UniMAP di Kuala Lumpur baru-baru ini dan melawat konti stesen radio UniMAP.fm di bangunan perpustakaan itu.

Baginda turut melawat galeri UniMAP sebelum meninjau litar Go-Kart UniMAP yang baharu siap dibina dan mendapat pengiktirafan.

Sementara itu, dalam program berasingan, Tuanku Syed Faizuddin menyertai aktiviti berbasikal 'Jejak Asnaf' siri ketiga sempena Ramadan

anjuran Majlis Agama Islam dan Adat Istiadat Melayu Perlis (MAIPs).

Tuanku Syed Faizuddin yang juga Yang Dipertua MAIPs diiringi oleh Pengurus Baitulmal Perlis, Mohd. Nazim Mohd. Noor berkayuh basikal sejauh 14 kilometer bermula dan berakhir di Sekolah Kebangsaan Long Boh.

Ketika program kayuhan itu, baginda singgah di Kampung Bukit Keci, Utan Aji dan meninjau kehidupan dua penduduk fakir iaitu Halim Mahmud dan Hamidon Hamid yang kedua-duanya berusia 60-an.

Baginda turut menyampaikan sumbangan zakat MAIPS masing-masing RM400 kepada warga emas tersebut. - BERNAMA



TUANKU Syed Sirajuddin Putra Jamalullail (duduk, tengah) dan Tuanku Syed Faizuddin Putra Jamalullail (dua, kiri) dan Dr. Kamarudin Hussin (dua, kanan) bersama warga UniMAP di kampus induk UniMAP Pauh Putra, Arau, Perlis, baru-baru ini.